



**Ե Ձ Ր Ա Կ Ա Ց ՈՒ Թ Յ ՈՒ Ն**

**Երևանի Մ. Հերացու անվան պետական բժշկական համալսարանի  
ինստիտուցիոնալ կարողությունների վերաբերյալ**

**Ընդհանուր տեղեկություն հաստատության մասին**

Հաստատության լրիվ անվանումը	Երևանի Մ. Հերացու անվան պետական բժշկական համալսարան ԵՊԲՀ
Հասցե	Կոլյունի 2, Երևան, 0025, Հայաստան
Գործունեության հասցեն	
Նախորդ հավատարմագրման մասին որոշումը և ժամկետը	Չի ունեցել

**ՕՐԵՆՄԴՐԱԿԱՆ ՀԻՄՔԸ**

«Մասնագիտական կրթության որակի ապահովման ազգային կենտրոն» հիմնադրամը (այսուհետ՝ ՈԱԱԿ), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով՝ ՈԱԱԿ-ի ներկայացուցիչների, փորձագիտական խմբի, գործընթացի ՈԱԱԿ համակարգողի մասնակցությամբ քննարկեց Երևանի Մ.Հերացու անվան պետական բժշկական համալսարանի (այսուհետ՝ ԵՊԲՀ) կողմից ներկայացված ինքնավերլուծության, փորձագիտական զեկույցի, զեկույցում նշված թերությունների վերացման մասին ԵՊԲՀ-ի գործողությունների ծրագրի և այդ ծրագրի վերաբերյալ փորձագիտական խմբի կարծիքի հիման վրա կազմված ԵՊԲՀ -ի ինստիտուցիոնալ կարողությունների վերաբերյալ ՈԱԱԿ-ի եզրակացության նախագիծը:

**Քննարկման արդյունքում ամրագրվեց հետևյալը.**

Հավատարմագրման գործընթացի հիմնական փուլերն իրականացվել են հետևյալ ժամկետներում.

դիմում-հայտի ներկայացում՝	1 մարտի 2012
բուհի ինքնավերլուծության ներկայացում՝	2 ապրիլի 2013
փորձագիտական այցի իրականացում՝	9-12 հունիսի 2013

### ՓՈՐՁԱԳԻՏԱԿԱՆ ԳՆԱՀԱՏՄԱՆ ԱՐԴՅՈՒՆՔՆԵՐԸ

*Փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագետների խումբը<sup>1</sup>: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով<sup>2</sup>:*

### ՀԱՄԱՌՈՏ ԱԿՆԱՐԿ

Գնահատում իրականացնելիս հաշվի է առնվել, որ Երևանի պետական բժշկական համալսարանն իր գործունեության 90 տարիների ընթացքում տրամադրել է բժշկական բարձրագույն կրթություն՝ որպես կրթական ու գիտական պետական բարձրագույն ուսումնական հաստատություն, որի գործունեությունը նպատակաուղղված է բժշկական, դեղագիտական, հասարակագիտական, հումանիտար հիմնարար գիտական հետազոտությունների և ուսումնառության կազմակերպմանը:

Իր գործունեության ընթացքում համալսարանը հավատարմագրում չի անցել, ուստի ինստիտուցիոնալ կարողությունների տասը տիրույթների ուղղությամբ ինքնավերլուծության այս գործընթացը համալսարանի առաջին փորձն էր:

2006թ-ին ընդունված «Բարձրագույն և հետբուհական մասնագիտական կրթության մասին» ՀՀ օրենքի համաձայն ԵՊԲՀ-ում հաստատվել է բարձրագույն կրթության երկաստիճան համակարգ: Ինչպես սահմանված է առաքելությամբ, համալսարանը պետք է «պատրաստի ժամանակակից, ՀՀ Որակավորումների ազգային շրջանակին համահունչ գիտելիքով, հմտություններով և կարողություններով օժտված մրցունակ մասնագետներ»: Երկաստիճան կրթության պահանջներին համահունչ լինելու նպատակով բակալավրի և մագիստրատուրայի բոլոր կրթական ծրագրերը վերանայվել և հաստատվել են՝ սկսած 2006 թվականից: Կրթական ծրագրի մեթոդաբանության մեջ հետազոտության ապահովման քաղաքականությունը դեռևս ամբողջապես մշակված չէ: Համալսարանն ունի հայերեն, ռուսերեն և անգլերեն լեզուներով օտարերկրյա ուսանողների դասավանդման լավ փորձ:

ԵՊԲՀ-ում տարվել են նաև աշխատանքներ համալսարանի ենթակառուցվածքը բարելավելու և այն կրթական ծրագրերին համապատասխանեցնելու ուղղությամբ: Ռեզուլտատներից համալսարանը կարևորվում են համալսարանի լսարանային ֆոնդը, շենքային պայմանները, կյանքատեխնիկական բազան, կլինիկաների, գրադարանի և ուսումնական միջավայրի այլ բաղադրիչների վերակառուցման ու վերազինման խնդիրները: Պետական բյուջետային մուտքերում հիմնական մաս են կազմում ուսանողական նպաստները, բժիշկների և բուժքույրերի վերապատրաստումների արդյունքում գոյացած ֆինանսական միջոցները, թեմատիկ գիտական ֆինանսավորումը և բուժժառայության համար նախատեսված միջոցները: Արտաբյուջետային մուտքերը հիմնականում գոյանում են վճարովի ուսուցմամբ ուսանողների ուսման վարձավճարների հաշվին: Սակայն, համալսարանում դեռ նկատվում է առաքելության և նպատակների իրականացման համար անհրաժեշտ ռեսուրսների և սարքավորումների ձեռքբերման համար ֆինանսական հնարավորությունների սղություն:

ԵՊԲՀ-ի գործունեությունն իրականացվում է մոտիվացված և նվիրված պրոֆեսորադասախոսական կազմի առկայությամբ, ինչը նպաստում է սերտ համագործակցության և

<sup>1</sup> Հավելված 1՝ Փորձագիտական խմբի կազմը և ՈԱԱԿ-ի աջակցող անձնակազմը

<sup>2</sup> Հավելված 2՝ Ամփոփ գնահատում

գործընկերային քննարկումների իրականացմանը: Դասավանդման, գիտական և կլինիկական աշխատանքներում ներգրավված աշխատակազմի ներկայացուցիչների թիվը կազմում է 1100, որոնցից 162-ը բժշկության ոլորտի դոկտոր/գիտությունների թեկնածուներ են, 80-ը՝ պրոֆեսորներ: Համաձայն ռազմավարական ծրագրի նպատակների՝ կատարվել է պրոֆեսորադասախոսական կազմի համալրում: Այնուամենայնիվ, առկա է այլ համալսարաններից ավելի շատ դասախոսների ներգրավման անհրաժեշտություն, ինչպես նաև նրանց որակավորման բարձրացման և մասնագիտական զարգացմանն ուղղված գործընթացների իրականացում:

ԵՊԲՀ-ում ուսանողները ներգրավված են հաստատության կառուցվածքային տարբեր միավորներում, ինչը նպաստում է կրթական գործընթացում նրանց ակտիվ մասնակցությանը: Ներկայումս համալսարանի յոթ ֆակուլտետներում ուսանում է 5500 ուսանող, որոնցից 1140-ը արտասահմանցիներ են: Ուսանողների ընդունելությունն իրականացվում է ՀՀ կառավարության կողմից սահմանված կարգի համաձայն: Համալսարանում իրականացվում են ուսանողների համար լրացուցիչ պարապմունքների կազմակերպման և պրոֆեսորադասախոսական կազմի կողմից խորհրդատվությունների տրամադրման, ինչպես նաև ուսանողներին աջակցության գործընթացներ: ԵՊԲՀ-ը մշակում է ծրագրեր կարիերայի պլանավորման համար ուսանողական կենտրոնի ուղղությամբ:

Համալսարանի կառավարման կառուցվածքը բազմաշերտ է, որն ապահովում է որոշումների կայացման կանոնակարգված գործընթաց: Ինստիտուցիոնալ մակարդակում, սակայն, կրթական ծրագրերի և այլ գործընթացների վերաբերյալ տեղեկատվության տրամադրման ներքին կառուցվածքը դեռևս համակարգված չէ: Համալսարանի կառավարման համակարգը պրոֆեսորադասախոսական կազմին և ուսանողներին հնարավորություն է տալիս ներգրավվել կառավարման տարբեր խորհուրդներում, սակայն դեռևս առկա է արտաքին շահակիցների հետ համագործակցության ապահովման անհրաժեշտություն:

ԵՊԲՀ-ում կրթության որակի ապահովման նպատակով 2006-2011թթ. գործել է Բարեփոխումների և ինտեգրացիայի բաժինը, որի հիմնական նպատակն է եղել ուսումնասիրել եվրոպական և ամերիկյան բժշկական դպրոցների փորձը և մշակել առաջարկություններ՝ կրթական գործընթացում Բոլոնյան համակարգի պահանջներից բխող փոփոխություններ կատարելու վերաբերյալ: 2011թ. ստեղծվել է Որակի գնահատման և ապահովման կենտրոնը, ինչպես նաև մշտական հանձնաժողովն ու համապատասխան ֆակուլտետային հանձնաժողովները: Մշակվել են կենտրոնի քաղաքականությունն ու ռազմավարությունը, ինչպես նաև կանոնակարգերն ու ընթացակարգերը, որոնք ուղղված են համալսարանի տարբեր միավորների կողմից իրականացվող աշխատանքների որակի գնահատմանը:

#### **ՈՒԺԵՂ ԿՈՂՄԵՐ**

- 1) ԵՊԲՀ-ը ունի հստակ սահմանված առաքելություն, որի իրականացմանը նպաստում են մոտիվացված պրոֆեսորադասախոսական կազմը: Աշխատակազմը համախմբված է աշխատում, իսկ քննարկումները կրում են համագործակցային բնույթ:
- 2) Նվիրված պրոֆեսորադասախոսական կազմն ընդգրկված է կրթական ծրագրի մշակման և ուսանողների ուղղորդման գործընթացներում:
- 3) Ուսանողները ներգրավված են բոլոր մակարդակներում, ինչը պետք է պահպանել: Ուսանողների ձայնը լսելի է և ազդեցիկ որոշումների կայացման գործընթացում:
- 4) Ծրագրերն ունեն բավականին մանրամասն և լավ կառուցված ուսումնական պլաններ, որոնք հիմնված են դասընթացների վրա: Բոլոր ծրագրերի համար ուսումնառության ակնկալվող արդյունքները սահմանված են:

- 5) Դասավանդման և ուսուցման մեթոդները ավանդական բնույթ ունեն, հետևապես համապատասխանում են ավանադական կարգին և դասախոսակենտրոն ուսումնական ծրագրին:
- 6) Ուսանողների գնահատումը նույնպես բավականին ավանդական է և որպես այդպիսին՝ համահունչ ուսումնական ծրագրին:
- 7) Համալսարանը սահմանափակ բյուջեով կարողացել է ստեղծել ուսումնական միջավայր, որը ներառում է գրադարան և SS հարմարություններ: Ներկա իրավիճակում դրանք բավարար են:

**ԹՈՒՅԼ ԿՈՂՄԵՐ**

- 1) Հետազոտական աշխատանքները սահմանափակ են և՛ արդյունքի, և՛ աշխատակազմի ու ուսանողների՝ հետազոտության մեջ ներգրավվածության աստիճանի տեսանկյունից: Բյուջեի 5%-ից քիչ է տրամադրվում հետազոտությանը:
- 2) Համալսարանում բացակայում է հստակ կրթական հայեցակարգ:
- 3) Ուսումնառության ակնկալվող արդյունքների և գնահատման միջև կապը հստակ չէ: Հատկապես պետք է ուշադրություն դարձնել կլինիկաներում ձեռքբերվող հմտությունների գնահատմանը:
- 4) Սահմանափակ թվով ուսանողներ և աշխատակազմի ներկայացուցիչներ են միայն մասնակցում միջազգային գործընթացներին, փոքր է և՛ աշխատակազմի, և՛ ուսանողների միջազգային շարժունությունը: Այս առումով կլինիկայի աշխատողները առավելություն ունեն դասավանդողների նկատմամբ:
- 5) Փորձագիտական խումբը միջազգային բենչմարքինգի հիմքեր չի նկատել: Որոշ ամբիոններ ներգրավված են բենչմարքինգի գործընթացում, բայց այն ինստիտուցիոնալ մակարդակով չի իրականացվում:
- 6) Աշխատակազմի և ուսանողների համար SS հստակարգը սահմանափակ է:
- 7) Արտաքին շահակիցների ազդեցությունը սահմանափակ է:
- 8) Համալսարանը հիմնականում կենտրոնանում է բժշկական ծրագրերի վրա, մինչդեռ առաջարկում է հավասարապես կարևոր այլ ծրագրեր:

**ՓՈՐՁԱԳԻՏԱԿԱՆ ԽՄԲԻ ԽՈՐՀՐԴԱՏՎՈՒԹՅՈՒՆՆԵՐԸ**

**Առաքելությունը և նպատակները.**

- 1) ապահովել համալսարանի նախանշված հավակնությունների, քաղաքականության և գործունեության միջև համապատասխանությունը՝ հաշվի առնելով առկա ռազմավարությունը, որն ուղղված է Եվրոպական բարձրագույն կրթական տարածքին ինտեգրմանը,
- 2) ուշադրություն դարձնել արտաքին կազմակերպությունների հետ արդյունավետ համագործակցության հաստատմանը՝ կրթական ծրագրերի ուսումնառության արդյունքների և աշխատաշուկայի պահանջների միջև համապատասխանությունն ապահովելու նպատակով,
- 3) մշակել մեխանիզմներ կրթական գործընթացում շահակիցների արդյունավետ ներգրավվածությունն ապահովելու համար,
- 4) ընդլայնել արտաքին շահակիցների ներգրավվածության և ազդեցության հնարավորությունները,
- 5) սահմանել համալսարանի առաքելության և նպատակների գնահատման առավել կառուցվածքային մոտեցում, վերհանել ցուցանիշներ և նշանակել պատասխանատուներ գնահատման և բարելավումների զարգացման գործընթացի ի իրականացման համար

**Կառավարումն ու վարչարարությունը**

- 6) պարզեցնել համալսարանի կառուցվածքը, բարձրացնել կառավարման համակարգի արդյունավետությունը սահմանված մեխանիզմների միջոցով,
- 7) մշակել կամ բարելավել մեխանիզմները կարճաժամկետ և միջնաժամկետ պլանավորման, ինչպես նաև մշտադիտարկման համար համալսարանի առաքելությանը և նպատակներին համապատասխան,
- 8) մշակել ցուցանիշներ, որոնք թույլ կտան «ախտորոշել» գործունեների հետագա ազդեցությունը համալսարանի գործունեության բոլոր ոլորտների վրա՝ ակտիվ ներգրավելով արտաքին շահակիցներին և հաշվի առնելով նրանց արձագանքները որոշումների կայացման գործընթացներում,
- 9) կիրառել որակի կառավարման սկզբունքը մեխանիզմների մշակման գործընթացում՝ ընթացակարգերի և քաղաքականության կառավարման նպատակով,
- 10) բարելավել համալսարանի կրթական ծրագրերի և այլ գործընթացների արդյունավետության, դրանց վերլուծությունների և կիրառման վերաբերյալ տվյալների հավաքագրման գնահատման մեխանիզմները՝ օգտագործելով ինտեգրացված թվայնացված համակարգ

***Մասնագիտության կրթական ծրագրերը.***

- 11) հաշվի առնել բազմադիսցիպլինար թեմատիկ մոտեցումը ծրագրերի համար,
- 12) իրականացնել սահմանված քաղաքականությունը դասավանդման և ուսումնառության մեթոդների ընտրության ուղղությամբ, որը կնպաստի ուսանողակենտրոն ուսուցմանը՝ հաշվի առնելով ուսանողների ինտերակտիվ մասնակցության կարևորությունը և փոքր խմբերով ուսուցումը,
- 13) բարելավել ծրագրի արդյունավետության գնահատման քաղաքականությունը
- 14) ամրապնդել կապը ուսուցման և հետազոտության միջև

***Ուսանողները.***

- 15) հիմնել կարիերայի կենտրոն, որը կամրապնդի աշխատաշուկայի և ծրագրերի միջև կապը, ինչպես նաև կօգնի ուսանողներին կողմնորոշվել բուհն ավարտվելուց հետո,
- 16) մշակել որակի ապահովման մեխանիզմներ ու գործիքներ՝ ուսանողներին տրամադրվող խորհրդատվության և աջակցության ծառայությունների արդյունավետությունը գնահատելու և բարելավելու համար,
- 17) ավելի շատ կենտրոնանալ հետազոտության և բոլոր ծրագրերում հետազոտական աշխատանքների վրա (ավելի մանրամասն տես չափանիշ 6),
- 18) զգալի ջանքեր ներդնել ուսանողների միջազգայնացման ուղղությամբ

***Պրոֆեսորադասախոսական և ուսումնաօժանդակ կազմը.***

- 19) ապահովել պրոֆեսորադասախոսական կազմի ակտիվ մասնակցությունը հետազոտական աշխատանքներում,
- 20) մշակել հստակ սահմանված քաղաքականություն և ընթացակարգեր պրոֆեսորադասախոսական կազմի մասնագիտական զարգացման համար, վերհանել հատուկ կարիքները հետագա բարելավման համար,
- 21) կազմակերպել մասնագիտական վերապատրաստումներ երիտասարդ դասախոսների համար,
- 22) ներգրավել դասախոսներ արտասահմանից,
- 23) պրոֆեսորադասախոսական կազմին հնարավորություն տալ իրականացնելու վերապատրաստումներ ԵՊԲՀ-ից դուրս

***Հետազոտությունը և զարգացումը.***

- 24) լրամշակել համալսարանի՝ հետազոտության ուղղությամբ հետաքրքրություններն ու հավակնություններն արտացոլող քաղաքականությունը: Դասախոսները և ուսանողները պետք է ակտիվորեն ներգրավված լինեն հետազոտական աշխատանքներում, իսկ հետազոտական ծրագրերի ղեկավարները պետք է հաշվի առնեն միջազգային չափորոշիչները,
- 25) կենտրոնանալ հետազոտության որոշակի ոլորտների վրա՝ համալսարանի ռազմավարությանը համապատասխան,
- 26) հետազոտությանը ավելի կենտրոնական դեր և կառուցվածք տալ հաստատությունում և կրթական ծրագրերում,
- 27) ապահովել պրոֆեսորադասախոսական կազմի ավելի ակտիվ խրախուսումը գիտական գործունեության միջազգայնացման տեսակետից և գնահատել այդ գործունեության արդյունավետությունը,
- 28) հստակեցնել հետազոտությունն ու ուսումնական գործընթացը կապող մեխանիզմները՝ գնահատելով դրանց արդյունավետությունը,
- 29) նպաստել միջազգային համագործակցությանը և ակտիվորեն գիտական կապեր հաստատել արտերկրյա առաջատար բժշկական կենտրոնների և համալսարանների հետ,
- 30) վերանայել հետազոտության համար բյուջեի բաշխումը և ռազմավարությունները՝ հետազոտական ծրագրերի համար արտաքին ֆինանսական ռեսուրսներ ձեռքբերելու համար

***Ենթակառուցվածք և ռեսուրսներ.***

- 31) ընդլայնել ֆինանսական ռեսուրսները՝ անհրաժեշտ ռեսուրսներ և սարքավորումներ ձեռք բերելու համար,
- 32) վերանայել SS սարքավորումների ողողությամբ ներդրումներ կատարելու հարցը,
- 33) հիմք համարել ոտորաբաժանումների կարիքների գնահատումը՝ ֆինանսական ռեսուրսների բաշխման համար,
- 34) մշակել ընթացակարգեր, գործիքներ և ժամանակացույց՝ գնահատելու կրթական ռեսուրսների արդյունավետությունը, կիրառելիությունն ու հասանելիությունը,
- 35) մշակել SS ինտեգրացված համակարգ և հստակեցնել տեղեկատվության և փաստաթղթավորման գործընթացի կառավարման քաղաքականությունը,
- 36) բարելավել հատուկ կարիքներ ունեցող ուսանողների հարմարությունները

***Հասարակական պատասխանատվությունը.***

- 37) մշակել ավելի բազմազան գործիքներ ԵՊԲՀ-ի գործընթացների և ընթացակարգերի հաշվետվողականությունն ապահովելու համար,
- 38) մշակել հետադարձ կապի ապահովման ֆորմալ գործընթացներ, ինչպես նաև դրանց արդյունավետությունը գնահատելու մեխանիզմներ

***Արտաքին կապերը և միջազգայնացումը.***

- 39) մշակել հստակ քաղաքականություն և կանոնակարգեր, որոնք կխթանեն միջազգային կապերը,
- 40) ավելի շեշտադրել միջազգային բենչմարքինգի գործընթացը,
- 41) տեղայնացնել և օգտագործել միջազգային լավագույն փորձերը հետազոտության և կրթության համար,
- 42) մշակել չափորոշիչներ և մեխանիզմներ՝ միջազգայնացմանը և արտաքին կապերին ուղղված գործունեությունը գնահատելու համար,
- 43) ընդլայնել օտար լեզվով դասավանդման հնարավորությունները

***Որակի ներքին ապահովման համակարգը.***

- 44) ապահովել որակի ապահովման ֆորմալ ընթացակարգերի կիրառությունը,
- 45) շարունակել ներդրումները շահակիցների ներգրավվածության ուղղությամբ, հատկապես պրոֆեսորադասախոսական կազմի մասնակցության ապահովմամբ՝ որակի մշակույթի հետագա զարգացման համար,
- 46) ընդլայնել մարդկային, նյութական և ֆինանսական ռեսուրսները՝ նպատակաուղղելով որակի ներքին ապահովման գործընթացների կառավարման արդյունավետության բարձրացմանը և ներգրավելով ավելի շատ շահակիցներ,
- 47) պարբերաբար իրականացնել ինքնագնահատման գործընթացներ և ապահովել հետադարձ կապի մեխանիզմների առկայությունն ու կիրառելիությունը,
- 48) ամրապնդել կապը կառավարման և որակի ապահովման գործընթացների միջև (տես նաև չափանիշ 2)

**ՀԱՄԱՊԱՏԱՍԽԱՆՈՒԹՅՈՒՆԸ ԵՎՐՈՊԱԿԱՆ ԲԱՐՁՐԱԳՈՒՅՆ ԿՐԹԱԿԱՆ ՏԱՐԱԾՔԻ ՊԱՀԱՆՁՆԵՐԻՆ**

Միջազգային չափանիշներին համապատասխան գործընկերային գնահատման արդյունքում առաջարկվում է.

- 1) Հաշվի առնելով բավականին ավանդական համալսարանի ներկա իրավիճակը և այն փաստը, որ ԵՊԲՀ-ը որդեգրել է արդիականացման քաղաքականություն՝ ԵԲԿՏ-ին ընդառաջ, նկատվում է անհամապատասխանություն, որի հաղթահարման համար համալսարանը պետք է իրականացնի պլանավորում: Բացի դա, ԵՊԲՀ-ը պետք է կազմակերպի քննարկումներ՝ պարզաբանելու Բոլոնիայի հասկացությունն ու հետևանքները: Առաջարկվում է սահմանել փոփոխությունների կառավարման նախագիծ, որը կներառի առաջիկա 5 տարիների համար հստակ սահմանված նպատակների և խնդիրների ժամանակացույց:
- 2) Համալսարանը պետք է փորձի իր ներքին կառուցվածքն ավելի պարզեցնել և առավել արդյունավետ դարձնել: Լավ սկիզբ կարող է լինել բոլոր հանձնաժողովների գործառույթների վերանայումը և դրանց քանակի նվազեցումը: Համալսարանը կարող է ընտրել ավելի նվազագույն բաղադրիչներով կազմակերպական կառուցվածք:
- 3) Ուսումնական գործընթացը բարեփոխելու նպատակով անհրաժեշտ է աջակցել մասնագիտական կրթական բաժնին՝ ուսումնակրթական միջավայրի արդիականացման համար: Այս կենտրոնական բաժինը միջազգային վերջին զարգացումներին ծանոթ կրթության ոլորտի փորձագետներով կարող է աջակցել համալսարանի անձնակազմին ուսումնական այնպիսի հարցերում, ինչպիսիք են ուսումնական պլանի մշակումը, գնահատումը և ուսանողին աջակցության տրամադրումը: Կարևոր է ունենալ հստակ կրթական հայեցակարգ՝ հիմնված միջազգային վերջին մոտեցումների վրա և համահունչ սահմանված նպատակին: Մասնագետների կրթական բաժինը կարող է առաջնորդել այս հայեցակարգը մշակելու հարցում՝ ներգրավելով բոլոր ներքին շահակիցներին: Համալսարանում առկա լավ փորձը նույնպես կարող է օգտակար լինել (Հանրային առողջապահություն ):
- 4) Հատուկ ուշադրության պետք է արժանացնել աշխատակազմին և դրա համալրման քաղաքականությանը: Համալսարանը պետք է ներդրումներ կատարի արտասահմանից մասնագետներ գրավելու ուղղությամբ: Հրավիրված պրոֆեսորների և փոխանակման ծրագրերով աշխատակազմի անդամների թիվը նույնպես պետք է մեծացնել: Համալսարանը պետք է հայ անձնակազմին խրախուսի և աջակցի արտասահման մեկնելու ու համալսարանից դուրս նրանց վերապատրաստելու ուղղությամբ: ԵՊԲՀ-ը պետք է նաև աշխատի երիտասարդ

մասնագետներին մասնագիտական վերապատրաստումներ տրամադրելու ուղղությամբ: Առկա են վերապատրաստման կենտրոն ստեղծելու ծրագրեր, և դա դրական զարգացում է:

5) Պետք է ապահովել պրոֆեսորադասախոսական կազմի և ուսանողների ակտիվ ներգրավվածությունը հետազոտական աշխատանքներում: Անհրաժեշտ է վերանայել հետազոտությանն առնչվող քաղաքականությունը և համալսարանի գործունեության մեջ և կրթական ծրագրերում ավելի կարևորել հետազոտությունը: Հետազոտական աշխատանքների ղեկավարները պետք է գործեն միջազգային չափանիշներին համապատասխան: Հետազոտությունը պետք է պարտադիր լինի բոլոր ուսանողների և դասախոսների համար և ներառվի ուսումնական պլանում՝ հետազոտական աշխատանքների համար համապատասխան կրեդիտների բաշխվածությամբ: Համալսարանում դասավանդողները պետք է լինեն նաև հետազոտողներ: Անհրաժեշտ է նաև կենտրոնանալ համալսարանի ռազմավարությանը համապատասխան ընտրված որոշակի հետազոտական ոլորտների վրա, ոչ թե յուրաքանչյուր դասախոս զբաղվի իր հետազոտական աշխատանքով: Գերազանցության կենտրոնների ստեղծումն անշուշտ պետք է հաշվի առնել: Գործող հետազոտական կենտրոնի դերը նույնպես պետք է հստակեցնել և, ինչպես արդեն նշվել է, վերանայել հետազոտության համար հատկացվող ֆինանսական միջոցները:

6) Ռեսուրսների վերաբերյալ անհրաժեշտ է մշակել ուսանողների համար տեղեկատվական տեխնոլոգիաների (SS) ինտեգրացված համակարգ: Համալսարանը պետք է հաշվի առնի SS ուղղությամբ ներդրումները՝ էլեկտրոնային գրադարանը և համակարգիչները՝ թղթային տարբերակով գրքերի և ամսագրերի փոխարեն: Կլինիկաների որոշ սարքավորումներ ժամանակակից են, սակայն միաժամանակ որոշները առկա չեն կամ հին են: Կլինիկաների, համալսարանների և անգամ առևտրային ձեռնարկությունների հետ համագործակցությունը պետք է հաշվի առնել, քանի որ արդյունքում հնարավոր է օգտագործել տեխնոլոգիապես բարձր, հետևապես թանկարժեք սարքավորումներ, սարքեր և այլն: Հատուկ կարիքներ ունեցող ուսանողների համար նախատեսված հարմարությունները նույնպես բարելավման կարիք ունեն:

Երևանի պետական բժշկական համալսարանի ինստիտուցիոնալ հավատարմագրման ընթացքում տրված խորհրդատվություններն ընդհանուր առմամբ վերաբերում են այն խնդիրներին, որոնք առնչվում են Բոլոնիայի գործընթացի շրջանակներում փոփոխություններ կատարելու համալսարանի ձգտմանը:

## **ՓՈՐՁԱԳԻՏԱԿԱՆ ԶԵԿՈՒՅՑՈՒՄ ՆՇՎԱԾ ԹԵՐՈՒԹՅՈՒՆՆԵՐԻ ՎԵՐԱՑՄԱՆ ԲՈՒՀԻ ԾՐԱԳԻՐԸ**

Ուսումնասիրելով Երևանի պետական բժշկական համալսարանի փորձագիտական զեկույցում նշված թերությունների վերացման ծրագիրը, կարելի է եզրակացնել.

1. Համալսարանը հանձն է առել իրականացնել հավատարմագրման բոլոր տասը չափանիշների շրջանակներում նկարագրված խնդիրների շուրջ տրամադրված հիմնական խորհրդատվությունները:

ա) «Առաքելությունը և նպատակները» չափանիշի շրջանակներում բուիը հիմնականում ճիշտ է ըմբռնել խորհրդատվություններից բխող խնդրի դրվածքը, սակայն այստեղ քայլեր չի նախատեսել կրթական գործընթացում շահակիցների արդյունավետ ներգրավվածությունն ապահովելու, ինչպես նաև արտաքին շահակիցների ներգրավվածության և ազդեցության



հնարավորություններն ընդլայնելու համար: Միաժամանակ, ժամանակացույցում միջոցառումների ժամանակահատվածը շատ ընդհանուր է և հնարավոր չէ պարզել դրա տրամաբանական հաջորդականությունը:

բ) «Կառավարում և վարչարարություն», «Ուսանողներ», «Պրոֆեսորադասախոսական և ուսումնասօժանդակ անձնակազմը», «Հետազոտություն և զարգացում», «Արտաքին կապեր և միջազգայնացում», «Ռրակի ներքին ապահովման համակարգ» չափանիշների շրջանակներում բուհը հիմնականում ճիշտ է ըմբռնել խորհրդատվություններից բխող խնդրների դրվածքները, մշակել է դրանց համապատասխան գործողություններ և քայլեր:

գ) «Մասնագիտական կրթական ծրագրեր» չափանիշի շրջանակներում բուհը հիմնականում ճիշտ է ըմբռնել խորհրդատվություններից բխող խնդրի դրվածքը: Մակայն, այստեղ հստակ չեն այն գործողությունները, որոնք ուղղված են ծրագրի արդյունավետության գնահատման քաղաքականության մշակմանը: Բացի այդ, պլանում նախատեսված գործողությունների համար հստակ նշված չեն պատասխանատուները:

դ) «Ենթակառուցվածք և ռեսուրսներ» չափանիշի շրջանակներում բուհի կողմից հիմնականում ճիշտ է ըմբռնվել խորհրդատվություններից բխող խնդրի դրվածքը: Մակայն, այստեղ հստակ չեն այն գործողությունները, որոնք ուղղված են SS ինտեգրացված համակարգի մշակմանը և տեղեկատվության և փաստաթղթավորման գործընթացի կառավարման քաղաքականության հստակեցմանը: Հստակ ձևակերպված չեն վերջնարդյունքները և դրանց ցուցիչները:

ե) «Հասարակական պատասխանատվություն» չափանիշի շրջանակներում բուհի կողմից որոշակիորեն ճիշտ է ըմբռնվել խորհրդատվություններից բխող խնդրի դրվածքը: Մակայն, պլանում հստակ նշված չեն այն գործողությունները և քայլերը, որոնք պետք է ապահովեն բուհի հետադարձ կապի ֆորմալ գործընթացները, ինչպես նաև դրանց արդյունավետությունը գնահատելու մեխանիզմները:

Ուսումնասիրելով ԵՊԲՀ-ի փորձագիտական զեկույցում նշված թերությունների վերացման ծրագիրը միջազգային չափանիշներին համապատասխան գործընկերային գնահատման տեսանկյունից, կարելի է եզրակացնել.

ա) Ծրագրում հստակ չի երևում *փոփոխությունների կառավարման նախագիծը*, որը կներառի առաջիկա 5 տարիների համար հստակ սահմանված ժամանակացույց:

բ) ԵՊԲՀ-ը անդրադարձել է *բուհի ներքին կառուցվածքի պարզեցման և հստակեցման խնդրին*՝ կառավարման համակարգի գործունեության բարելավման միջոցով:

գ) *Դասավանդման և ուսումնառության միջավայրի արդիականացմանն* ուղղված բուհը նախատեսել է իրականացնել բժշկական կրթական հայեցակարգի մոդեռնիզացիա, ինչը ենթադրում է կրթական ծրագրերում փոփոխությունների իրականացում միջազգային բենչմարքիսի կամ արտաքին պահանջների հիման վրա: Մակայն, այն դիտարկմանը, որ անհրաժեշտ է ունենալ միջազգային արդի զարգացումներին համապատասխան կրթական հայեցակարգ, բուհը չի անդրադարձել այն հստակ փոփոխություններին, որոնք նախատեսում է կատարել ուսումնական պլաններում, ինչպես նաև ուսանողների գնահատման

գործընթացում: Գործողությունների ծրագրում հստակ չէ միջազգային բենչմարքինգի իրականացման մոտեցումները:

դ) *Պրոֆեսորադասախոսական կազմի* վերաբերյալ բուհը նախատեսել է մշակել դասախոսների (այդ թվում նաև երիտասարդ) մասնագիտական վերատրաստման ծրագիր: Փորձագետների կողմից կարևորվել է նաև արտերկրում պրոֆեսորադասախոսական կազմի համար վերապատրաստումների, ինչպես նաև օտարերկյա պրոֆեսորներ հրավիրելու հնարավորությունների ընդլայնումը: Բուհը նախատեսել է բարձրացնել դասախոսական անձնակազմի շարժունակությունը, սակայն պլանում բացակայում են գործընթացի իրականացման հստակ քայլերը:

ե) Բուհը նախատեսել է գործողություններ գործընկերային գնահատման արդյունքում *հետազոտության* ուղղությամբ կատարված խորհրդատվությունների հիման վրա, ինչը անդրադառնում է համալսարանի գիտական գործունեության նոր քաղաքականության և ռազմավարության, ինչպես նաև գիտական գերակա ուղղությունների մշակմանը, հետազոտական և ուսումնական գործընթացների միջև կապի ապահովմանը, գիտությանը հատկացվող ֆինանսական միջոցների ավելացմանը: Նախատեսված են նաև քայլեր խթանելու հետազոտական գործունեության միջազգայնացումը:

զ) *Ռեսուրսների* ուղղությամբ բուհը նախատեսել է կարիքների և առկա ռեսուրսների արդյունավետության գնահատում, ֆինանսական միջոցների բաշխում: Անդրադարձել է ինտեգրացված թվայնացված համակարգի խնդիրն՝ նշելով այդպիսով բարելավել համալսարանի կրթական ծրագրերի և ստորաբաժանումների գործունեության արդյունավետության գնահատման մեխանիզմները: Մակայն, ուսանողների համար անհրաժեշտ ռեսուրսների տրամադրման տեսանկյունից, պարզ չէ, թե թվայնացված այս համակարգը ինչ հնարավորություններ է տալիս: Հստակ չեն նաև անհրաժեշտ ժամանակակալկից սարքավորումների համալրման մոտեցումները:

2. Առկա է հստակ գործողությունների ծրագիր ռազմավարությունների մեծ մասի համար:
3. Միջոցառումների մեծ մասի հաջորդականությունը ժամանակացույցում տրամաբանական է, սակայն որոշ դեպքերում իրականացման ժամանակահատվածը շատ ընդհանուր է և հնարավոր չէ պարզել դրանց տրամաբանական հաջորդականությունը: Քայլերի մեծ մասը ներառում է իրատեսական ժամկետներ, սակայն որոշ դեպքերում բացակայում են կոնկրետ ժամկետները:
4. Գործողության համար որոշ դեպքերում նշված չեն հստակ պատասխանատուներ, իսկ բոլոր քայլերի դեպքերում նշված են պատասխանատու կառույցները:
5. Քայլերի մեծ մասի գնահատման համար կիրառվում են իրականացման մեկ կամ մի քանի չափման միավորներ, երբեմն օգտագործվում են նաև ազդեցության չափման միավորներ: Վերջնարդյունքների և դրանց ցուցիչների որոշ մասը կարիք ունի վերասահմանման:


*Եզրահանգում.* Ծրագրի հիմնական մասի իրականացումը ռիսկեր չի պարունակում: Համալսարանը պլանավորել է մեկնարկել հիմնական ոլորտներում անհրաժեշտ աշխատանքների իրականացումը մոտակա երկու տարվա ընթացքում: Այժմ մշակման փուլում են գործընթացները

կանոնակարգող փաստաթղթերը, ինչը հնարավորություն կտա հետագայում գնահատելու համալսարանում իրականացվող գործընթացների արդյունավետությունը:


Ելնելով վերոգրյալից, ՈԱԱԿ-ը Հավատարմագրման հանձնաժողովին առաջարկում է իր որոշման մեջ ԵՊԲՀ-ի ուշադրությունը հրավիրել հետևյալ կետերի իրականացման վրա՝

- 1) առաջնահերթ լուծում տալ **Մասնագիտության կրթական ծրագրեր, Պրոֆեսորադասախոսական և ուսումնաօժանդակ կազմ, Ենթակառուցվածքներ և ռեսուրսներ, Որակի ներքին ապահովման համակարգ** ոլորտներում առկա խնդիրներին,
- 2) «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգի 12 կետով կամ Հավատարմագրման հանձնաժողովի կողմից սահմանված ժամկետներում պարբերաբար ՈԱԱԿ ներկայացնել գրավոր զեկույց իրականացված գործողությունների արդյունքների վերաբերյալ,
- 3) ի նկատի ունենալով համալսարանի գործունեության միջազգայնացման հավակնությունները՝ վերանայել փորձագիտական զեկոյցում նշված թերությունների վերացման ծրագիրը, հաշվի առնելով միջազգային չափանիշներին համապատասխան գործընկերային գնահատման արդյունքները և խորհրդատվությունները,
- 4) բուհի կողմից ներկայացված փորձագիտական զեկույցում նշված թերությունների վերացման ծրագրի վերանայման ժամանակ հաշվի առնել սույն եզրակացության մեջ նշված դիտողությունները ծրագրի վերաբերյալ:

ՈԱԱԿ-ը գտնում է, որ առաջարկվող բարեփոխումները կնպաստեն ինքնավերլուծության զեկույցում ներկայացված համալսարանի հավակնությունների իրականացմանը և հիմք կհանդիսանան հաջորդող գնահատման համար:



Փորձագ. խմբի ղեկավար



ՈԱԱԿ Համակարգող

Փորձագիտական խմբի կազմը.

- Պրոֆեսոր **Սամվել Պիպոյան**, կենսաբանական գիտությունների դոկտոր, Երևանի պետական մանկավարժական համալսարանի կենսաբանության ամբիոնի պրոֆեսոր, «Մասնագիտական կրթության բարեփոխումներ» ՀԿ համահիմնադիր, «Ցկյանս ուսումնառության հայաստանյան լիգա» ՀԿ խորհրդի անդամ, (խմբի ղեկավար),
- Պրոֆեսոր **Բեն Վան Քեմփ**, PhD, հեմատոլոգիայի պրոֆեսոր, Բրյուսելի ազատ համալսարանի (Vrije Universiteit Brussel) նախկին ռեկտոր, Բժշկական դպրոցի նախկին ղեկան, Համալսարանական հիվանդանոցի (UZ Brussels) կառավարման խորհրդի նախագահ
- Պրոֆեսոր **Հարի Հիլեն**, PhD, Ներքին բժշկության պրոֆեսոր և պատվավոր ղեկան, Առողջապահության ֆակուլտետ, բժշկություն և բնագիտություն, Մասստրիքթի համալսարան, Նիդեռլանդներ,
- Պրոֆեսոր **Լևոն Եպիսկոպոսյան**, կենսաբանության դոկտոր (PhD), մարդաբանություն, Մոլեկուլային կենսաբանության ինստիտուտի էթնոգենոմիկայի լաբորատորիայի վարիչ, Գիտությունների ազգային ակադեմիա, Մարդաբանության եվրոպական ասոցիացիայի (EAA) անդամ, Մոլեկուլային և բջջային կենսաբանության հայաստանյան միություն,
- **Աննա Մարգարյան**, Հայաստանի պետական տնտեսագիտական համալսարանի մագիստրատուրայի 2-րդ կուրսի ուսանողուհի, Կրթության կառավարման բաժին:

Միջազգային դիտորդներ

- Միշել Վեռա- Նիդեռլանդների և Ֆլանդրիայի հավատարմագրման գործակալության քաղաքականության մշակման գծով խորհրդատու,
- Ֆրանկ Վամելինկ - Նիդեռլանդների և Ֆլանդրիայի հավատարմագրման գործակալության քաղաքականության մշակման գծով խորհրդատու:

ՈԱԱԿ-ի աջակցող աշխատակազմը.

- **Անուշավան Մակարյան**, ֆիզմաթ. գիտ թեկն., դոցենտ, Ինստիտուցիոնալ և ծրագրային հավատարմագրման բաժնի ղեկավար, խմբի աշխատանքների ավագ համակարգող,
- **Աննա Կարապետյան**, քաղաքագիտության մագիստրոս, Ինստիտուցիոնալ և ծրագրային հավատարմագրման բաժնի ավագ մասնագետ, խմբի աշխատանքների համակարգող,
- **Անուշ Մկրտչյան**, Երևանի Վ. Բրյուսովի անվան պետական լեզվաբանական համալսարանի ուսանող, թարգմանիչ,
- **Արփիլես Մկրտչյան**, Երևանի Վ. Բրյուսովի անվան պետական լեզվաբանական համալսարանի մագիստրատուրայի 2-րդ կուրսի ուսանող, քարտուղար-սղագրող:

